

աօնեւ զԶատրիկն ձեր ընդ մեզ, նոյնպէս և մեք, թէպէտեւ աղքատ և նուաաստ, այլ անկարելի է մեզ փոխել զսահմանս հարց մերոց, և արկանեալ զերկզառակութիւն և խռովութիւն 'ի մէջ ժողովրդոնն Այս է միտք և խորհուրդ իմ, զի դուք տօնեալիք զԶատրիկն ձեր առանձին, յորում աւուր և պատահեսցի նոյնպէս եւ մեք 'ի ժամանակի մերում, միայն դիցուք պայման այսպիսի 'ի միջի. զի յաւուր տօնի Պասեքի ձերոյ՝ ոչ ոք մոցէ յեկեղեցի Ս. Յարութեան յազգէ մերմէ. նոյնպէս եւ 'ի Պասեքի մերում ոչ ոք մոցէ անդ յազգէ ձերմէ բաց 'ի մշտնջենաւոր պաշտօնէից երկուց ազգաց, որք կան 'ի տաճարի անդ. այսպէս երկաքանչիւր ազգ առանձին խաղաղութեամբ կատարեսցեն զԶատրիկն իւրեանց:

Փոխանորդն Յունաց Մելէթիոս եպիսկոպոս լուեալ զայսպիսի բանս 'ի Պատրիարքէն Հայոց, հաճեցաւ ընդ խորհուրդս նորա հանդերձ միաբանակցովքն, և հաւանութեամբ խոստացաւ հաստատուն կալ 'ի վերայ բանիցս այսոցիկ: Ի վերայ այս բանից յաւել Գրիգոր ասեւ՝ ոչ այդպէս՝ այլ հաւատարմացուցուք զմիմեանս 'ի Ս. Աւետարանն, և դիցուք ուխտ և դաշինս յանուն Ամենասուրբ Երրորդութեան, զի մի՛ երեւեսցուք դաւաճան ընկերի՛ դնել որոգայթ միմեանց, այլ սիրով և խաղաղութեամբ անցուցուք զտարիս, և թողցուք զինի մեր յիշատակ բարի և զանուն լաւութեան. գրեցէք դուք զայս ամենայն Պատրիարքին ձերոյ և ծանուցէք նմա, նոյնպէս և մեք Պատրիարքին և ժողովրդոց մերոց 'ի Կոստանդինուպօլիս. զի դուն գործեալ ջանացեն հանել հրովարտակ յարքունուստ եւ առաքել յերուսաղէմ զմի ոմն 'ի մեծամեծաց Դրան՝ իբր ոստիկան և վերատեսուչ գործոյս, զի եկեալ նոսցի 'ի դուռն տաճարին Ս. Յարութեան, եւ մի՛ տացէ թոյլ ժողովրդոց միոյ ազգի 'ի Պասեքի միւտոյն: Ի վերջոյ հաստատեալ զայսոսիկ պայմանս 'ի միջի իւրեանց՝ կնքեցին Տէրունական աղօթիւք՝ և ողջունեալ զմիմեանս մեկնեցան:

Ըստ այսմ պայմանի գրեցին Յոյնք առ Խրիստանթոս Պատրիարքն իւրեանց, որ էր այր խոհեմ եւ հանճարեղ՝ համբաւեալ գիտութեամբ եւ իմաստութեամբ 'ի մէջ ազգին իւրոյ: նոյնպէս և Շղթայակիր առ Յովհաննէս Պատ-